

sputiren gegen Sie auffreizte / unter andern auch mit dem Exempel Lutheri: (verba Kœteritii) der theure Mann Gottes Lutherus hat wohl gewußt / daß man sie nicht soll Snadjucker heissen / hat Ihnen daher so redlich über die Camillen geschwacht / wie in seinen Scriptis de verbis Christi reichlich zu befinden / daß man sich nur darauff referiren kan und doch zuzeiten ein asperges mit braucht / daraus ein Christlicher Syffer zu spüren. Werdet dieser gutherigen Erinnerung ferner nachzudencken wissen. (22.) Erat tum Kœteritius minister aulæ Bipontinæ, in controversiis Theologicis ut benè exercitatus, ita veræ doctrinæ, inprimis adversus Calvinianos, qui tum Ducatum illum maximam partem occupaverant, singulari fervore addictus. De quo testantur omnes epistolæ ipsius, corpori epistolarum ad Marbachios scriptarum magno numero insertæ. Cumque Calviniani inprimis in vicino Electoratu Palatino rem suam strenue acriterque agerent, Theologi verò ex nostris partibus nonnulli videntur ex modestiæ intempestivæ studio remissius veritatem defendere, non defuerunt subinde sive ex politico sive ex Ecclesiastico ordine, qui nostros ad eam severitatem cohortarentur, quæ expugnandæ adversariorum pertinaciæ magis idonea esset. Revocabant sibi quippe in memoriam exemplum Servatoris sui, qui quamquam mitis fuerit & humilis corde, eosque qui discendi cupidi cum ipso disseriebant, leniter, verecundè & singulari cum amoris contestatione alloquebatur, apud illos tamen, qui veritati se præfractè opponebant, gravitatem & severitatem, attractis quasi supercilis & fronte rugosâ, adhibuit, nec verbis quoque & invectivis acerbioribus parcens. Vocavit enim eosdem lupos rapaces, vulpes, serpentes atque viperarum progeniem, fures atque latrones, hypocritas & mendaces. Nec Apostoli semper placidâ, & paternâ errorum viriorumque correctione, sed duriore invectivâ & sancto quodam convitio, ut non nemo Theologorum loquitur, in tractandis adversariis usi sunt. Appellarunt eos incircumcisos corde & auribus, proditores & sicarios, filios Diaboli, plenos omnis

D 2

doli

(22) H. E. & H. Sec. XVI. p. 50. Ex Epist. Marbach, p. 168.